


檀几叢書餘集




漢書門	
三	三
二	二
一	一
冊架	函號類

內閣文庫	
三	三
一	一
九	二
冊架	冊號類

內閣文庫	
番號	漢 3174
冊數	12 ( 11 )
函號	371 27





檀几叢書餘集序

淺草文庫



夫天地中之最高者莫如山其餘為峴為岑為巒為  
岵為嶺為岵不可謂非山也水之最深者莫如河海其  
餘為溪為澗為澤為浦為洲渚不可謂非水也善游  
者登高臨深極盡山水之樂而每于山窮水盡之處  
得一丘一壑未嘗不流連而歎賞之誠以此中殊有  
佳勝雖屬山水之餘致足樂也予曩與張子有叢書  
之役初集二集各五十種其間搜奇別異如岳嶂起  
伏濤浪奔騰競秀爭流往往應接不暇而又以其短

序

一

余集

檀几叢書目錄  
篇輯爲餘集用筆如危岬欲墮吐論如尺水與波粒  
珠寸錦是猶分崑山之嶺而爲崕岫截大江之派而  
爲陂池其足移人性情真所謂山不在高水不在深  
也然而天下之人能由一卷以推其廣大由一勺以  
溯其不測覺登岱朝宗宇內文章自有高且深者在  
而此特其餘焉耳豈非在善讀是集者哉

武林王暉丹麓題

檀几叢書餘集目錄

卷上

山林經濟策

陸次雲

讀書法

魏際瑞

根心堂學規

宋瑾

家塾座右銘

宋起鳳

洗塵法

馬文燦

香雪齋樂事

江之蘭

客齋使令反

程羽文

一歲芳華

程羽文

芸窗雅事

施清

菊社約

狄億

豆腐戒

尤侗

清戒

石崇階

友約

顧有孝

灌園十二師

徐沁

約言

張適

詩本事

程羽文

劍氣

程羽文

石交

程羽文

燈謎

毛際可

宦海慈航

蔣埴

病約三章

尤侗

艮堂十戒

方象瑛

婦德四箴

徐士俊

半菴笑政

陳臯謨

書齋快事

沈元琨

負卦

尤侗

古今外國名考

孫蘭

廣東月令

鈕琇

黔西古跡考

錢霽

明制女官考

黃百家

檀几叢書餘集卷上

武林王 焯 丹麓

天都張 潮 山來 同輯

山林經濟策 陸次雲 雲士

問士人志高不仕。隱處山林尚矣。然渴不可以無飲。飢不可以無食。交不可以無友。居不可以無室。內不可以無益於己。外不可以無功於世。徵辟若至。何去何從。均不可無策。處此。毋曰焉用文之。不我以對。

愚對愚聞爭名於朝。爭利於市。處山林者。獨無所爭。既無所爭。又何所策。然無策之策。未嘗無以處此也。請陳其槩。承問渴不可以無飲。飢不可以無食。飲食何足累人哉。如思止渴。不須鑿井也。若欲療飢。無事耕田也。斷竹續竹。引石髓。可以烹茶。上山下山。采黃精。可以作餌。况乎仙核。干林。無人作主。飛泉。百道。任我來觀也哉。承問交不可以無友。居不可以無室。隱處之室。何室。山林之交。何交哉。有巢氏之民。不可爲也。老死不相往來之俗。無庸效也。就樹爲門。可容茶。

竈。結茅爲屋。足繫藤牀。白雲入戶。來爲不速之賓。明月穿牕。去作忘機之友。離索可無悲矣。承問內不可以無益於已。外不可以無功於世。徵辟若至。何去何從。則亦有無益之益。無功之功。去從素所定矣。又何復計哉。叅同契於性情之內。何殊道授崆峒。留詩卷於天地之間。足當書傳關尹。至於外臣。可作堯許巢由。逋客能爲漢容黃綺。若迫之再四。則南山之南。溪潛文豹。北山之北。高舉冥鴻。仙人猶易見。隱士更難尋矣。豈致貽澗媿林慚。猿疑鶴訝哉。抑更有策焉。市

朝山谷。皆形迹之分也。能不去松風之夢。則天子轂下。可以隱居。抱長策者。正不予人。以易測也。

張山來曰。先生吏隱蓉江。日以著書為事。未段長策。正是自為寫照。

讀書法

魏際瑞 善作

予見今之閱書者。或手按而汗濡之。或爪傷而碎績之。或反捲而把持之。或塵埃而頓置之。又或批評謬妄。點次糊塗。夫讀理學之書。則與聖人君子相對。觀奇崛之迹。則與英雄豪傑為期。或清曠而遇高達之文。或逍遙而見仙佛之傳。或風流都雅。而寄美人韻士之篇。或經濟文章。而著名公鉅卿之筆。夫安得苟然而暴殄耶。予極傷之。標為俚語。而飾以韻曰。

若欲翻書。勿以爪掐。若欲看書。勿以手壓。掐則痕多。壓則汗塌。不可摩擦。擦則模糊。不可捲折。折則痠癢。不可亂點。不可狂塗。識者所笑。馬牛襟裾。書貴齊整。不宐散亂。部正行勻。秩然可玩。書貴齊修。不宐齷齪。潔淨精良。人生一樂。卽不常讀。亦可嘗翻。讀之養心。翻者怡顏。書有廉隅。書有文飭。彼讀書者。自宐愛惜。不讀書者。亦宐惜書。雖無他智。卽此非愚。予亦有書。百千萬卷。不汗不塵。不折不捲。君欲讀書。奉贈此法。予言或然。幸垂笑納。

張山來曰先君嘗言昔人謂積書遺子孫子孫未必能讀我不望其能讀但望其能曬耳不肖所藏書皆遭蟲蝕一思及先訓輒無以自容今讀此益增予媿也



根心堂學規

繡水 宋 瑾 豫菴

紀功格

學優蚤起

勤讀

能解書

能疑問

能默識

能觸悟

書熟

能完課

作文佳

字端楷

文熟

行優時求放心

學者當以此為主然心不可見但看以下諸條紀功

變化氣質

容貌端凝

整肅書籍

力體聖言

恪尊師訓

曲承親志

友于兄弟

思齊內省

表裏如一

克己自反

直陳已過

聞義能徙

改過勿憚

避嫌遠疑 義嚴取與 珍惜衣食 敬惜字紙

步趨有節 進退不貳

紀過格

學劣宴起 懶讀 不求解 無疑問 不完課

勉強質疑無文理 書生 文生 文荒謬

字潦草

行劣 心不守舍

但看以下諸條紀過

氣質粗浮 坐立傾欹

褻越書籍 背馳聖訓 詆毀師長 違逆父母

手足參商 相聚閑談 心口相違 恕已責人

強辯飾非 聞善不遷 知過不改 不修邊幅

取與不明 不惜艱難 作賤字紙 舉止輕跳

出入無常

張山來曰豫菴授徒不僅以文而兼以行宜其  
至于是邦必為人所延也

家塾座右銘

宋起鳳 紫庭

病。因。口。入。禍。因。口。出。節。食。省。身。慎。子。出。入。  
 勤。則。百。興。惰。則。百。墜。勤。惰。之。關。戒。爾。肆。意。  
 金。玉。其。外。敗。絮。其。中。勿。曰。無。知。叩。之。者。如。撞。鐘。  
 毋。腴。爾。身。毋。逸。爾。心。年。少。蒙。昧。中。歲。浮。沉。  
 日。升。月。沉。昕。夕。西。東。念。茲。駒。隙。捷。不。爾。容。昭。昭。哲。王。  
 寸。陰。是。崇。  
 友。尚。益。子。毋。事。狎。子。苟。利。狎。子。胡。勿。獨。處。  
 傲。滋。貧。驕。滋。禍。仁。人。藹。如。君。子。淡。若。是。以。寡。過。

勿謂友暱。中伏干戈。勿謂友懃。瑕瑜琢磨。管鮑邈矣。寧擇母多。

企其貴也。顧爾才。企其富也。顧爾學。謂有命焉。胡不俟焉。

慎爾羣居。戒爾自如。積寸成尺。日居月諸。苟或怠棄。鳩毒是與。

飲食動止。曲禮與焉。左右遜畔。食後筋前。由童而耄。母或敢先習矣。不察禽獸同然。

謙養德。儉滋福。靜永年。躁乃蹙。嗜旨甘。鮮厚祿。寡見聞。宐多讀。令名張為善。速席晏安終碌碌。

王丹麓曰。味之如飽。菽粟被之如煖。布帛較之。崔銘更為古雅。

洗塵法

馬文燦

聽啼鳥數聲。溪流幾曲。松風漁唱。任其去來。以洗耳。  
 觀幽巖竹木。菁蔭澄潭。荇藻橫亂。或披臨美石名帖。  
 古人詩文數首。不令其煩。以洗目。目洗併看。端亦不  
 掛煩惱矣。鼻之洗也。不必問博山火候。林石間旦夕  
 皆有空香。此况更佳。口之受累更甚。當摘山蔬野笋  
 作羹。與至歌咏得意詩文數過。然後汲泉烹茗。啜至  
 兩腋風舉。則口洗併腑臟間結習皆去。靜坐觀空。除  
 念調息。以洗心。養神不禪不立。政有淵致。足履塵器。

亦當洗食後散步落紅細草徑上。再加一分愛惜。更有楚楚依人之况。

王丹麓曰六根六欲亦佛家常語耳用如此洗法風趣俱在現前得未曾有

香雪齋樂事

江之蘭 舍徵

以座有博雅知己娓娓而談前言往行為樂。

以得奇石法帖名畫文房舊物摩挲不置為樂。

以聞善言見善行為樂。以不談勢利為樂。

以不言人過為樂。以寵辱不驚為樂。

以無慙衾影為樂。以焚香煮茗為樂。

以救得一命或活一昆蟲草木為樂。

以與靜友相對忘言莫逆于心為樂。

以與逸友山肴野蔌尊酒相聚為樂。

以與俠友悲歌慷慨為樂。以栽花種竹為樂。

以受欺為樂。以惜費為樂。以閒為樂。

以討論性理為樂。以不尚虛禮為樂。

以潔為樂。以養生為樂。

張山來曰吾人日坐愁城中苟非自尋樂境其苦將有不可勝言者然樂境不能自主所能自主者惟心境而已心以為樂則亦安往而非樂事乎哉

客齋使令反

程羽文 蓋臣

吳寧野作客齋使令何仙郎補之鞭撻古今不減陽羨書生鵝籠中作幻然癡人說夢不無微訝唐突妨我素業請以山林具足者略

反其說。

長鬚奴把釣收綸。蘆中鼓柁。

赤脚婢石火瓦鐺煮茗。炊麥飯藜羹。

花妃隨時裝束。名園廣榭中。獻傾城笑。

崔子。玄裳縞衣。舞庭堦。候賓客。

封家姨舉止輕率。專拂掃應門。夏則北窗下扇枕。

蝶使剪綵衣。錦帶紫縛。報春信。執板聽鶯歌。

麴生當鑪理盃斝。襲風味。破煩悶。

石丈峨冠穿袖。百結衣。拱立。掌松竹。

蜂媒黃衲襖。以針工。出入香閨。簧鼓春心。致撩亂。

月姊霓裳羽衣。司燈火。伴孤另。

張山來曰。使令如此。不媿為風雅主人。

一歲芳華

程羽文 葵園

光天化日。烟景何限。梁昭明作錦帶啓。吳寧野作連珠演。復以麗句。繪此麗情。遂覺十二月中。時時堪人欣賞。因補數語。以誌芳華。

正月燭焰薰天。月中掩桂。香塵撲地。曲裏落梅。

二月飄香墮筓。擔風吞宿蝶之花。徒影流衣。握月臥。

聽鷓之酒。

三月綠肥紅瘦。相映踏青之鞋。燕蹴鶯翻。亂織市蠶之月。



四月篁新籜解拾錦襪之層層。櫻薦盤登探驪珠之  
顆顆。

五月舟競渡龍輓忠魂于楚水。艾偏懸虎禳毒魅于  
高門。

六月粧搖紅影池慶蓮生色滿綠香座酣瓜戰。

七月巧遺仙縷綺窗亂乞蛛絲慧接佛燈碧水紛燃  
蓮焰。

八月廣庭素練影飄天上之華大樹霓裳譜絕人間  
之曲。

九月題糕吟苦瘦同籬菊之黃把酒興酣醉似囊萸  
之紫。

十月簷前日暖暄可獻君嶺上梅開春堪贈友。

十一月望氣書雲儀修亞歲貢襪獻履義取迎長競

添繡之五紋錦胸出線鼓飛灰之六管玄竅吹葭。

十二月臘方云伏蜡已罷觀換板板之桃符驅殘窮  
鬼聽霹靂之竹爆驚碎病魔。

王丹麓曰眼前好景一經道破行樂貴在及時  
於斯益信

芸窗雅事

錢塘施清濂侯

碌碌車塵莫若枕流漱石勞勞案牘何如弄  
月吟風漫言麟閣浮名且效山人逸致偶以  
自解亦訂同心

溪下揉棊聽松濤鳥韻法名人畫片調鶴

臨十七帖數行磯頭把釣水邊林下得佳句

與英雄評較古今人物試泉茶泛舟梅竹嶼

臥聽鐘磬聲注黃庭楞嚴叅同解焚香著書

栽蘭菊蒲芝參苓數本醉穿花月影坐子午

嘯奕。載酒問奇字。放生。同佳客理管絃。

試騎射劍術。

張山來曰此等清福惟不做官者始能有之

張山來曰此等清福惟不做官者始能有之  
張山來曰此等清福惟不做官者始能有之  
張山來曰此等清福惟不做官者始能有之  
張山來曰此等清福惟不做官者始能有之  
張山來曰此等清福惟不做官者始能有之  
張山來曰此等清福惟不做官者始能有之  
張山來曰此等清福惟不做官者始能有之  
張山來曰此等清福惟不做官者始能有之  
張山來曰此等清福惟不做官者始能有之  
張山來曰此等清福惟不做官者始能有之

菊社約

狄億 立人

一山椒俎豆應奉淵明先生中庭設繪像一詩集一  
辦香清供客至三揖然後入座信意拈詩一章吟  
咀往復情暢旨遠彷彿此中真意庶東籬風致去  
人未遠

一分曹選友不拘爵里為先後亦不必泛邀裙屐務  
在真率忘形集分甲乙詩成各體

一歡場韻事不妨鬪奇爭勝是集人出杖頭錢買菊  
數種種必佳先時昇至主人訂客在三日前客赴



約寧蚤毋遲不辭風雨

一東用素牋不襲尋常稱謂或草八行亦可

一升堂一揖之外盡除苛禮

一花前雅集言論務宗簡遠若譏評時事臧否人物

皆非所宜至一切委瑣語及載呶側弁之風尤當

淡戒

一為具不過五脩十二小榼以明儉也騶從亦勿多

各隨一小警

一爵行無算佐以法法不苛令必取新或據經史中

辭事及有關於是集者

一酒茗兼設不能飲者以茗代之

一集必竟日飲必盡歡主人投轄賓無故不得遽退

犯者別出菊數本再訂後期

一每會各攜法書名畫及尊彝古翫以佐清賞或別

設琴軫棋奩各從所好

一詩不擊鉢惟必成不成者羣飲以醇酒

張山來曰菊花之隱逸者也惟隱居者宜入此社

狄君以貴人而耽此樂其高致誠足尚矣

君子有三戒。言其大略而已。佛家有沙彌戒。比丘  
 戒。菩薩戒。戒律甚多。而吾黨獨無戒乎。因與會中  
 諸子立大戒三。小戒五。總名爲豆腐戒。言非喫豆  
 腐人不能持此戒也。

豆腐戒

尤侗 海菴

君子有三戒。言其大略而已。佛家有沙彌戒。比丘  
 戒。菩薩戒。戒律甚多。而吾黨獨無戒乎。因與會中  
 諸子立大戒三。小戒五。總名爲豆腐戒。言非喫豆  
 腐人不能持此戒也。

味戒

古之飲食。玄酒太羹。今人反是。萬錢鼎烹。暴殄天物。  
 及衆生。宜歸淡泊。以戒庖丁。

聲戒

豆腐戒

七

餘集

之聲音鼓瑟鼓琴。今人反是。歌舞傾城。靡靡盈耳。蕩蕩搖精。宜守寂莫。以戒優伶。

色戒

古之家室。夫婦如賓。今人反是。後房橫陳。揮金買笑。滅燭留髡。宜還清淨。以戒妓人。

賭戒

不肖之行。莫甚于賭。錢財是爭。市井為伍。勝則害人。敗亦喪我。博弈猶賢。然且不可。

酒戒

賢者之過。多傷于酒。既溺于口。必濡其首。太白三杯。淳于一斗。適可而止。庶幾无咎。

足戒

人而無禮。先失于足。昏夜乞憐。白日匍伏。何不憚煩。東奔西逐。予有脚疾。安知非福。

口戒

天下禍門。皆出于口。誰毀誰譽。或臧或否。搖唇鼓舌。何所不有。古有金人。以銘座右。

筆戒

豆腐戒

余集

文人之孽。每生于筆。笑罵固非。歌哭亦失。賀壽者諂。諛墓者竊。告爾毛生。不如藏拙。

張山來曰。世有願持此戒者。吾當作證盟人。

此處有若干行非常清晰的文字，但內容模糊，難以辨認。

清戒

石崇階 天基

- 不說淫艷事。不親近小人。不談仕宦陞降。
- 不限韻做詩。不折花傷樹。不習六壬奇門。
- 不醉後多言。不暴殄天物。不評他人物價。
- 不恭禮。不籠畜禽鳥。不說與富貴往還。
- 不畜惡犬。不妄評詩文。不開人盤盒書啓。
- 不作嬌態。不犯人忌諱。不妄低昂人字畫。
- 不撫長調琴。不薦賈客。不共愚人爭是非。
- 不戲取人物。不妄自逞能。不強披覽人文籍。

不迂傲。

不久借人書。

不亂翻人書畫。

不強人酒。

不妄議建置。

不搨筆墨。

不間人妙談。

不大醉。

不亂塗壁。

不傾茶舞酒。

王丹麓曰能持此戒便是清流

友約

顧有孝

茂倫

箋取通名奚尚溢幅簽套副啓槩可從省崇儉也。

習俗侈靡挽在吾輩優觴妓席素不願赴紅紫艷服。

同人戒諸。

速客不踰五簋不速之客止三豆便聚情也。

榮任喬遷弄璋遊岸新婚等分不與并不作諸項詩

文嫉諂也。

不作醫卜星相琴工弈師薦札絕妄兼杜損也。

金錢往還誓不關說乞憐作會塞耳不聞省累也。



友朋惠臨原取切磋道德商權文義今乃游譚無根  
徒費白日惡謔穢言肆出無忌甚至捏撰歌辭詆  
毀同類識者方為之痛心茲人竟以為快意具是  
肺腸幸勿過吾門

張山來曰如此求友方可久要

四人

灌園十二師

灌園十二師

徐沁 冰荒  
楚公

城南老屋數間迎山面郭地殊幽曠婦翁陳  
天若先生輒許結鄰余倦游而歸請學為圃  
先生舉古人以相師余將望古遙集與斯人  
為徒用志棲隱之樂云

種桑師諸葛武侯 種瓜師邵平

種藥師葛稚川 種蔬師張子韶

種橘師李叔平 種竹師王子猷

種蘭師王摩詰 種蕉師釋懷素

種菊師陶淵明

種柳師韋維

種梅師林和靖

種荷師周濂溪

張山來曰予嘗謂隱居必有同心之友今楚公尚友古人亦是一法

約言

張適 我持

薄有餘習。偶被世知。疲心竭腕。以給所求。既無以自益。人亦以易致。勿德乃一思念。是誠大愚。然遽欲絕絃。又恐失于心賞。或間能取酒。庶藉慰愁。至有種種。尤稱不情者。列言如左。後復不諒。誓無委從。

轉託

我交易盡人。交難窮。乞鄰行惠。何不憚煩。

餽送

費我心手作爾人情。門戶差徭急思寬免。

代款

所重在彼我何受勞。作嫁衣裳實曰不可。

迫促

與會有時冗閒無定。刻期坐逼豈受羈牽。

口惠

籠鵝載酒曾未云賒。求市虛言已知羸詐。

張山來曰本買文爲活翻令室倒懸古有之矣

詩本事

程羽文 蓋臣

昔孟啓作本事詩。雖未淡羅括已名著騷壇。今家工吟咏人侈推敲。因事有詩則亦因詩。有事搜其瑣屑。附以箋注。展卷之餘庶或有裨風雅也。

裨風雅也。

詩史 杜工部

朱子曰李太白聖于詩者

詩豪 劉禹錫○宋子京詩云劉郎不敢題糕字空負詩中一世豪

詩癖 梁簡文帝自序七歲有詩癖

詩狂。詩云酒渴思吞海詩狂欲上天

詩祖。呂居仁作江西宗派圖推豫章黃山谷為詩祖

詩兄。湯休謂吳邁曰吾詩可為汝詩之父謝光祿曰不然湯詩可為庶兄

詩虎。羅勣時人目為詩虎

詩律。杜子美晚節漸于詩律細又律闕清嚴詩李侯詩

詩城。權德輿曰劉長卿自謂五言長城

詩眼。唐人五言工在一字謂之句眼

詩骨。詩長鬣張郎三十一天遣裁詩花作骨

詩魔。白樂天詩云惟有詩魔降不得每逢風月一開吟

詩思。孟浩然詩思在灞橋風雪中驢子背上

詩脾。貫休詩乾坤有清氣散入詩人脾

詩筒。白樂天元微之唱和以筒著詩往來

詩囊。李賀

詩窖。高仁裕著詩萬首號詩窖

詩窟。李陟曰冥搜得詩窟

詩壇。蘇東坡與歐公子詩曰君家文律冠西京旋築詩壇按酒兵

詩斑。東坡詩云尚嫌削髮有詩斑

詩盟。蘇東坡詩千里詩盟忽重尋

詩瓢。唐山人事

詩籌。東坡詩云詩律輸君一百籌

詩帳。東坡詩云未怕供詩帳自註云以詩得罪有司移杭取境內所留詩數百首謂之詩帳

詩料。古詩野色供詩料

詩債。林和靖云遞去權應急封回債已還

詩瘦。唐崔顥病起人戲之曰子非病因苦吟而瘦也又李白云為問緣何太瘦生只為從來作詩苦

詩窮。歐陽公云詩能窮人

詩妖。六帖術士李遐周題立都觀

張山來曰近日詩人滿天下此等典故不可不知

然尙有不盡于此者隨補數條于後

詩傳。子貢作

詩序。子夏作

詩說。申培著

詩宗。陶詩寫其胸中之妙隱隱為詩人之宗

詩腸。戴顥柑酒聽黃鸝云是詩腸鼓吹

詩興。杜詩云東閣官梅動詩興

詩情。東坡荔枝詩云詩情真合與君嘗

詩派。呂居仁作江西詩派

檀几叢書 詩本事

詩奴

東坡贈詩僧道通云從今島可是詩奴

詩話

宋元人多有詩話

詩膽

劉又詩云詩膽大于天

詩格

蘇東坡詩云二公詩格老彌新

詩信

東坡詩云巧將詩信渡江湖

詩天

八月初一妓從上人會飲臨風舉酒屬諸公曰如此雲物高爽可稱詩天即日其妓聲各頓也

見宋漫堂中

丞筠廊偶筆

詩蛆

龔端毅以總憲守制家居時人士投詩日以什伯計聞者往往應接不暇一日有士人投詩闕者置几上士促之聞者擲其詩叱曰去汝這詩蛆也來獻詩士大慚拾詩掩而走

詩牛

鹽官有崔某者業負販能詩頗多佳句然其人蠢蠢焉如牛人謂其為牛則沒其為詩如稱其詩則又不似其為人因戲稱為詩牛人皆曰善並上條俱見王丹麓牆東雜鈔

詩社

詩社何妨載酒從

詩紀

馮惟訥輯詩紀

詩選

李于鱗唐詩選

詩乘

梅禹金選詩乘

詩歸

鍾伯敬譚友夏共選詩歸

詩觀

鄧孝威選詩成宗定詩快黃九烟選詩待王仔園選詩品鄧孝

詩援

王景州選詩持詩正朱古愚選詩最倪永清選

直心養詩本事

塵

余

[Faint bleed-through text from the reverse side of the page]

劍氣

程羽文 葵園

毛錐不利。遂覺紙光墨色。皆成悞腐。賴此腰下芙蓉。時時作氣。差可慰不平耳。

倚劍之氣雄

玩劍之氣遠

擊劍之氣憤

彈劍之氣悲

贈劍之氣俠

按劍之氣險

掛劍之氣達

說劍之氣烈

鑄劍之氣曠

帶劍之氣豪

拭劍之氣肅

賣劍之氣傷

舞劍之氣橫

學劍之氣壯

試劍之氣悍

奪劍之氣激

請劍之氣忠

拜劍之氣恭

飛劍之氣幻

張山來曰胸中有長劍一日三摩挲究不能洩其不平之氣讀此益增吾憤也

石交

程羽文 蓋五

三生石。點頭石。以禪交。

馬肝石。織女支機石。穀城黃石。叱石成羊。以仙交。

補天石。仙鏡石。蕭餘石。眼弘成子文石。以奇交。

鬱林石。越石。以德交。

鵲石印。燕石璽。以貴交。

廬山飛雁石。零陵石燕。昆明池刻石。鯨魚。陰陽石。以

識交。

石矢。昆吾石。冶之成鐵。虎化石。以氣交。



望夫石。化女五色石。馬湖乞子石。以情交。

雞鳴石。靈鵲石。神鉦石。泗濱浮磬。大食國松風石。以

聲交。

貓睛石。到公石。五如石。平泉石。大秦國九色石。壺中

九峰石。崔玄亮黑潤石。吳郡石鼓。東坡仇池石。醒

酒石。奇章石。樹米顛袖中石。龍仙石。圓光石。空青

府石。醉石。以狎交。

燃石。煮白石。鹽石。以利交。

張山來曰。得石如此。敢不下拜耶。

燈謎

孟子中古人名

遂安

毛際可

崔舫

美玉無瑕。輯瑞同岐。豐佳氣慶雲中。從天產下鱗蟲

長兩道。祥光一色紅。聖瑞圖

虎旅歸來已罷兵。關梁無禁任遙征。九重天子稱仁

聖。異獸趨朝負輦行。太平樂

節屆陽和萬彙蘇。降藩歸化效前驅。北門鎖鑰推良

佐。絕域從今按版圖。王會圖

滿院棋聲暑氣收。乃翁局敗少機謀。君家季父還猶

豫。為語兒童且自休。嘲一家低棋

綠柳陰中點絳紅。良材勝任棟方隆。少年意氣真堪托。一諾何妨縞紵通。金蘭會

垂楊枝上漏春光。歸去來詞獨擅場。聖主南山容霧

隱。素絲良馬為誰忙。高隱

絃管聲調豹袖裁。長男濟困散家財。更傳遲暮添丁

好。疑是錢鏗改姓來。家慶

春日問花花解語。良緣欲就轉橫波。東鄰相對憐嬌

小。爭比椒房絕艷何。宮詞

峒。嶺西嶽接西京天際冥。鴻物外清。莫道途遙頻顧

僕衰年負荷。歎勞生山行

身長九尺皓鬚。俯首長如持滿時。村塾全然無約

束。任兒攜幼浴清池。嘲村學究

夜永雞鳴漏未收。官家清豫百無憂。蛾眉一色誰相

讓。南院光輝對院幽。宮怨

中男驅犢向前村。萬事全拋靜掩門。更與諸兒相共

語。年來齒落復生根。老農

聖瑞圖 白圭 周霄 龍子 丹朱  
太平樂 畢戰 許行 王良 象

王會圖 景春 王順 司城貞子 豹稽  
嘲一家低棋 奕秋 公輸子 子叔疑 子莫

金蘭會

楊朱

杞梁

季任

然友

高隱

泄柳

晉文

王豹

綿駒

家慶

樂正裘

孟施舍

晏子

彭更

當詞

魏應

戚嗚

西子

宮之奇

山行

華周

飛廉

百里奚

戴不勝

鞠村學究

高嬰

戴盈之

師曠

子濯孺子

宮恕

鼎卬

王驩

顏般

北宮黝

老農

敬仲

長息

告子

易牙

張山來曰卽作絕句觀亦是佳構矧屬燈謎乎

宦海慈航

毘陵

蔣

埴

蕭齋

昔顏魯公隨所守郡立放生池張無盡曾作  
監司必禁殺業雖仁民固先於愛物而惜福  
乃所以推慈湯火魂飛處處應行菩薩道乃  
砧活命時時空發大慈悲因知宦海茫茫始  
信回頭是岸略陳  
五則勿哂迂言

一燕會

盃酒以敘寒暄。獻酬以洽賓主。二簋亦足用享。三酌  
亦可稱歡。止期適口。安用侈為。况物味滋繁。多一味。  
則多戕。一物之命。殺緣最重。殺百命。則成百世之冤。  
究竟尊俎雜陳。何曾一一下箸。回念獲湯。慄切須知。

檀几叢書

宦海慈航

七

餘集

物物堪憐。燕笑滿堂。不問釜中悲泣。歡呼浮白。誰聞  
砧上哀號。繼自今。或五或三。定餉核之有數。有蔬有  
肉。約腥素之可參。至於海錯。來自遐方。熏臘未親。屠  
戮儘足供夫食用。庶無傷於遠庖。行見慈航普濟。咸  
登九品蓮臺。宦海清涼。不墮三途惡趣。

### 二 餽遺

交遊不以筐篚爲恭。贄見恆以羔雁爲禮。以至鵝羣  
鶩隊。聲聲叫徹樊籠。赤尾魴魚。圍圍乞憐。涸轍將以  
爲好。適足傷生。是以尼山著畜生之恩。東里有校人

之命。繼自今。施與自我而主。固當擇物而輸。餽遺自  
外而來。亦宜再拜而謝。雖禮尚往來。何必以擊鮮爲  
獻。而命懸呼吸。惟當以濟活爲心。所望儉以行慈。成  
享者。先絕魚鳧之贈。庶幾廉以廣愛。拜嘉者。長謝烹  
宰之絲。生物無窮。福海無算。

### 三 祭祀

以德爲馨。歆享誠爲至理。無故不殺。禮意已自可思。  
雖大饗必重省牲。祀典具載。而椎牛不如禴祭。易訓  
昭然。口腹貪饗。已是生前業障。清虛境界。何須更著

腥羶繼自今。家廟薦新蘋。亦足用享神。祠祈報黍稷。亦足將誠。總之時時存不忍之心。處處以好生爲念。共祈福果。大是勝因。

#### 四禁約

竭澤焚林。古制有禁。傷胎破卵。戒約惟嚴。勸化固可以隨緣。而禁止必出於官長。苟上令之未飭。縱恣殺以何知。耕牛不得私屠。罪嚴徒杖。火藥不以打鳥。律有明條。至於蛙可食。螻孽生。卽所以保稼。漁能藪盜。解網乃所以弭災。繼自今。申明約束。不辭至再。而至

三。推廣仁慈。勿論孰大而孰小。總之禁在一物。爲一物之恩施。禁在一方。爲一方之利育。

#### 五供應

使節臨星。每費行廚之釜膳。傳餐候館。恆繁肥膾之羞嘉。致膾玉庖霜。傷哉物命。而肉山酒海。慘矣羣生。祇應滋繁殺生。亦甚。繼自今。凡當戒途。先須傳檄。諭無枉殺。致費盤餐。尊官片言。生全不少。尋常供億。惜福彌多。

張山來曰。從此善推所爲。功德更自無量。

病約三章

長洲 尤 侗 悔菴

僕病未能顛倒賓客。雖居城市。僻如山澤。親友臨門。  
 擁篲弗及。久廢拜跽。時弛巾櫛。四方高軒。遠顧蓬華。  
 報謁每遲。舟車稀出。鄙性健忘。賀問疎失。更良弔喪。  
 白衣匍匐。稽康懶癖。先生無責。  
 僕病未能盤游酒食。吾鄉好奢。萬錢一席。庖餽雖佳。  
 暴殄可惜。兼之卜夜。優伶作劇。豈不愛之。而乏精力。  
 家鮮旨蓄。鮭菜不給。中饋無人。難自修飾。每食四簋。  
 風詩有則。倘能來往。不嫌真率。

僕病未能獻酬筆墨東塗西抹少作狼藉老至頽唐  
勉強塞白典到偶為不受促迫索贈紛紛面目不識  
最苦壽章卷軸堆積素拙臨池塗鴉亦厄身隱焉文  
心勞何益不如靜坐自適其適

張山來曰泰山北斗人願登龍先生欲以病辭雖  
傳語本官恐未必即能斷屠也

良堂十戒

方象瑛 渭仁

僕自緡改史傳一病六年自汗怔忡榮衛耗  
損患苦常在夜半受累實非一端於是舍見  
在之遷除延山中之性命然參藥無資綿延  
日甚病中閱歷事事最真書此自規并告親  
友語不能文期於砭疾惟知己亮之

妄思

憧憧往來害心最酷何以息之返於幽獨一念不興  
死灰槁木

多譚

口開氣散言豈在多。肆爾出話搖搖奈何。維靜惟默。以葆天和。

作文

詩文之樂。有求必應。鏤腎鉢肝。心乃益病。戒之戒之。毋以身殉。

觀書

十年讀書手不釋卷。目動心煩。所傷不淺。嗟嗟吾生。去古益遠。

應客

論交四方。寸心杯酒。擾擾應酬。杜門已久。情話無由。媿茲良友。

憂貧

貧也非病。病實因貧。咨嗟仰屋。誰恤艱辛。知命守約。我思古人。

久立

坎離不交。病延筋骨。勿謂斯須。中於所忽。坐倚藜牀。窮年兀兀。





強步

山水陶心。濟勝無具。咫尺之遙。資輿代步。匪曰自尊。畏此行路。

拜起

交際有道。拜跪周旋。一俯一興。筋力憊焉。愛身廢禮。幸恕衰年。

觸怒

惡聞人聲。偶忤則怒。病且日增。于人何與。塞耳息心。勿改其度。

張山來曰此蓋先生因病而戒也若無病人肯守此戒更與養生相宜但苦不得自由耳

為婦之起在女已見幽閨貞節古人所美柔順溫恭周旋室中能知能斷齊宋諸族一而無如得法則

言

男唯女命禮分內外長舌階厲難言及於下風所厭惟應對不踰閨闈專者士味

良此行路

拜起

交際有道拜處周旋一併一與商方體為身

幸恕素年

歸怒

北苑更與蘇士琳空山苦不將自山耳

勿蕺山來曰北蓋夫全因誠而姓也萍無誦人官字

婦德四箴

徐士俊 野君

德

為婦之道在女已見幽閑貞靜古人所羨柔順溫恭周旋室中能。和能肅齊家睦族二南風始禮法備矣。

言

男唯女俞禮分內外長舌階厲雅詩淡戒林下風清厥惟應對不踰閭闔專警士昧

容

閨房之秀實惟容儀非尚妍華無俾俗嗤疑粧儼然

可對明鏡。周身雅度。必中以正。豈無膏沐。勿過修飾。豈無衣裳。勿傷輕逸。所貴人重。無取人憐。以此為容。空家罔譽。

功

春蠶秋績。織手勿惜。縫裳綴綻。兼議酒食。錦繡纂組。害于女紅。勤則生善。儉則致豐。用做四德。以勉三從。王丹麓曰。先生晚年授經閨閣。做視聽言動之義。作為德言容功四條箴。而警之。真堪羽翼聖賢傳。諸久遠。彤管生輝。

半菴笑政

陳臯謨 獻可

笑品

利齒 工模倣 入隊 善復 默會

翻腐為新 勿作意 一語解紛

笑候

淋雨惱人 炎伏 客舟 無宿處夜坐

月下 久旅將歸 乍失意 偷閒

笑資

口吃人相罵 鄉下人着新衣進城拜年

聽醉語 啞子比勢 癡人聽因果垂淚

對客泄氣 長人着短衣 村夫掉書袋

學官話 和尚發怒 幫閒客作足恭狀

鬍子飲食不利便

笑友

名姬 知己 韻小人 酒肉頭陀

屬意人 脫套道學 名優 羽流

笑忌

刺人隱事 笑中刀 不理會 涉闕政

侮聖賢 分左右袒 令人難堪 牽強

先笑不已 寓炎涼

張山來曰笑話陳陳相因聽之幾不復發笑予嘗  
欲就耳目所見聞者作新笑話一編因循未果倘  
世有好事名流副余之意以供我軒渠是所望也

書齋快事

沈元珉 瑞銘

緩步迴廊曲檻。怪石凌空。松陰夾道。開門見  
 遠山。小橋流水。觀碧藻遊魚。溪邊有白鷺刷  
 羽。池塘橫小艇。亭圍修竹。聽鶯啼。僻徑幽  
 花。默坐對明牕淨几。窗外芭蕉分綠。調鶴  
 約二三知己探梅。桃李爭妍。值艷妝過其下。柳  
 岸風來。牡丹盛開。演名劇佐飲。古樹下納涼。  
 坐小檻觀荷。作碧筩勸。梧桐落葉。天香裊衣袂。  
 芙蓉逞豔。登樓眺遠。清夜聞鐘聲。斜月入

應。擊枝頭殘雪。漢瓶插新花數枝。宜爐焚異  
 香。如意指揮小婢。看鏡中山水。舊鷺來巢。  
 酌玉卮。陳古瓷器。讀得意書。竹榻小憩。試  
 古墨。筆硯精良。摹帖。撫琴。展名人字畫。  
 護蘭。訪菊。好友臨門。賓主真率。品泉。茗  
 戰。拂塵。手談。不出一語。夕陽映新綠。拈題  
 得佳句。新笋晚花時候。薄醉。數天邊雁字。  
 張山來曰觸景怡情何必圓嶠蓬壺始稱仙境  
 王丹麓曰消受人生清福真堪領袖風流

負卦

尤

侗 艮齋



火 上  
水 下

負。喪心凶匪。我負人人。負我有初。鮮終悔之。終吉。  
 象曰。負賴也。奸賴良也。其人存。其心喪也。我負人。身  
 之殃也。人負我。世之傷也。有初鮮終。賴不可長也。悔  
 之終吉。反災為祥也。  
 象曰。火與水違行。負君子以德報德。  
 初六。負債吝。小有言。還无咎。  
 象曰。還債无咎。信可復也。

九二君子不負恩一飯必酬之

象曰一飯必酬自求福也

六三負負多反覆貪小利中有大害征凶

象曰見利忘義害所伏也

九四賣友婚媾變為讐絕交凶

象曰賣友絕交亦可痛也

六五大人包荒小人背本勿較天祐無不利

象曰大人包荒實有容也小人背本不祥也

上九或錫之莫益之反擊之以怨報德是為中山狼

終亦必亡

象曰以怨報德菑及其躬也

張山來曰予嘗遇負恩反噬者惟日望天之報之

未識能副予望否也

古今外國名考

孫蘭 滋九

越裳氏 漢林邑今占城

伊吾廬氏 今哈密

條支 今蘇門答刺

大食 今天方

龜茲 今亦力把力

身毒 今天竺

大宛 今哈烈

大夏 今佐法兒

檀八叢書 古今外國名考

餘集



大秦 今佛蒜

疏勒 今覽邦

車師 今高昌

罽賓 今撒馬兒罕

月氏 今赤斤蒙古

默德那 即回回

張山來曰此等國名其地名即其代名耶

廣東月令

鈕 琇 玉樵

天之節候見於地之物產故月令一篇載自  
禮經後人遂著於授時之曆余宦遊所至其  
風土大略相同唯粵中則不特與朔方絕異  
即較之江淮亦甚懸殊爰採  
耳目見聞戲為廣東月令迺知炎陬譎詭  
固不止於再稻八蠶已也

正月 蜃氣成樓 水仙來賓 荷錢浮於水

二麥黃 木葉微脫

二月

蕨拳輸粉

蜺降於霧

木棉吐英

蔗初芽

魚苗生

三月

杜若芳

石蚶揚葩

孔雀之尾開金

江鷗避風

檳榔包垢

四月

佛桑紅綻

高榕蔭日

樹蘭綴珠

仙掌立

鯨入山麓化為虎

五月

荔支丹

菩提舒葉

羣蟻朝其祖

椰含漿

鈎割鳴年

六月

白雨足

芭蕉子垂

苦瓜入饌

西潦至

早禾乃登

七月

秧針重碧

蝴蝶營繭

素馨結為燈

龍眼熟

薤田浮

八月

颶母息影

紙鳶翻風

茶徒蠅於樹

黃柑分指

河鮑乘潮而上

九月

紅薯登

南燭迎社

嘉魚出於峽

白欖落

香門開

十月

耕牛放閒

嶺梅芳

八蠶之功畢

橘柚錫貢

銀河夜見

十一月 桃李花 鷓鴣破葉 黃雀復為魚

巖蜂聚糧 瑞香霏雪

十二月 蚊不絕吟 風蘭賀春 舊雷有聲

池塘竭 稚筍出

張山來曰世人于春秋春王正月往往以所記物產為證殊不知東西南北氣候不同即楚中兩熟之稻亦不過二三郡而已非通省皆然也一省尚有異同况天下乎可見物產之不足以證四時今觀于此而益信

黔西古跡考

錢 霽 懷白

八里荒邊入版圖未久雖有古跡祇憑土人故老相傳無籍可考訛以傳訛終屬未的余奉命考訂輿圖問俗採風以補千萬年之史闕固不敢以不敏謝也其間恐有未合惟博雅君子有以教之云爾

馬蹄石

距州城西二十里黔興里地名楊家海路傍有大方石石上馬蹄痕跡宛然

石洞

距州城南三十里安德里地名黃家洞洞口有石下蔽如簾中有石田數畝土人常見白衣人引犬出入石上有履跡存焉

石虎關

距州城東南四十里坡頂有石似虎當路而臥故名

扣鐘山

距州城三十里崇善里地名扣鐘山山形如鐘頂懸一石扣之則鳴

擡石壩

距州城北六十里西成里有一方石濶厚各尺許形如半馬上勒天合二字世傳潁川侯所遣人不言語擡之即起上行則上四里豐下行則下四里熟里人以下豐稔

石羊

距州城東北百里永豐里山有石羊迴轉無定尾轉則豐鳴則兵亂村人惡之搥碎其吻今雖不轉不鳴其形尚存

金雞山

距州城東北八十里。敦義里地名金雞山。上有石雞獨立。相傳夜啼。自蕩平後。聲息寂然。

白塔峰

距州城西百餘里。新民里林麓週圍皆土。惟頂矗石峰。瑩如白塔。傍有清泉。沁人肌骨。

明制女官考

黃百家

主

女官六局尚宮局

尚宮二人。正五品六尚。並用尚宮掌導引中宮。凡六局出納文籍。皆

印署之。若徵辦于外。則為之請旨。牒付內官監。監受牒行移于外。

領司四司記。司記二人。

正六品典記二人。正七品掌記二人。正八品掌宮內諸司簿書出入錄目。審署加印。然後授行。女史六人。

掌執文書。凡二十四。司言二人。典言二人。四典二十四。掌品秩並同。司言二人。典言二人。

二人。掌宣傳啓奏。凡令節外。司簿二人。典簿二人。命婦朝賀中宮。司言傳旨。司簿二人。典簿二人。

六人。掌宮人名。司闈。司闈六人。典闈六人。掌闈六人。籍及廩賜之事。司闈。女史四人。掌宮闈管鍵之事。

尚儀局。尚儀二人。掌領司四司籍。司籍二人。典籍二人。禮儀起居事。司樂。司樂二人。典樂二人。掌樂二

十人。掌經籍圖書。司樂。司樂二人。典樂二人。掌樂二。筆札几案之事。司樂。司樂二人。典樂二人。掌樂二。

司賓 司賓二人 典賓二人 掌賓二人 女司贊 司贊二人 典贊二人

朝見宴會導引贊相之事 形史 形史二人 正六品 掌宴見進御之序

凡后妃羣妾御于君 尚服局 尚服二人 掌供 領司四 所形吏謹書其月口

司寶 司寶二人 典寶二人 掌寶二人 寶二 司衣 司衣二人 典衣二人

衣服首飾之事 司飾 司飾二人 典飾一人 掌飾二人 事 司仗 司仗二人 典仗二人 掌仗二人 女

二人 掌膳羞品齊之數 凡領司四 司膳 司膳四人 典膳二人 掌膳二人 典膳二人

以飲食進御尚食先嘗之 領司四 司膳 司膳四人 典膳二人 掌膳二人 典膳二人

制烹煎和之事 司醞 司醞二人 典醞二人 掌醞二人 典醞二人 事 司藥 司藥二人 典藥二人 掌藥二人 典藥二人

掌膳 二人 女史四人 尚寢局 尚寢二人 掌 領司四 司 掌廩餼薪炭之事 天子之晏寢 領司四 司

設 司設二人 典設二人 掌設二人 女史 司輿 司輿二人 典輿二人 二人 掌輿 二人 女史二人 司苑 司苑二人 典苑二人 掌苑二人 典苑二人

人 掌輿 輿 二人 女史 二人 司苑 苑 二人 女史 四人 掌園 園 二人 掌輿 輿 二人 女史 二人 司苑 苑 二人 女史 四人 掌園 園 二人

固種植 司燈 司燈二人 典燈二人 掌燈二人 典燈二人 尚功局 尚功 二人 掌燈 燈 二人 女史 二人 掌製 製 二人 典製 製 二人 掌製 製 二人 典製 製 二人

掌督女紅 領司四 司製 司製二人 典製二人 掌製二人 典製二人 掌製 製 二人 典製 製 二人 掌製 製 二人 典製 製 二人

之程課 司珍 司珍二人 典珍二人 掌珍二人 典珍二人 司綵 司綵二人 典綵二人 掌綵二人 典綵二人 掌綵 綵 二人 典綵 綵 二人 掌綵 綵 二人 典綵 綵 二人

事 司珍 司珍二人 典珍二人 掌珍二人 典珍二人 司計 司計二人 典計二人 掌計二人 典計二人 掌計 計 二人 典計 計 二人 掌計 計 二人 典計 計 二人

二人 掌綵 二人 女史 二人 司計 司計二人 典計二人 掌計二人 典計二人 掌計 計 二人 典計 計 二人 掌計 計 二人 典計 計 二人

六人 掌綵 二人 女史 二人 司計 司計二人 典計二人 掌計二人 典計二人 掌計 計 二人 典計 計 二人 掌計 計 二人 典計 計 二人

服飲食柴 宮正 宮正一人 正五品 司正 司正二人 典正二人 掌正二人 典正二人 掌正 正 二人 典正 正 二人 掌正 正 二人 典正 正 二人

戒令 諫罰之事 大事則 吳元年 置內職六尚局 洪武 奏聞 女史 四人 記功 過 明制 女官 考 二

五年定六局品秩二十二年授宮官勅服勞多者或  
五載六載得歸於父母聽婚嫁年高者許歸願留者  
聽見授職者家給與祿蓋與妃嬪判然不同也二十  
七年鑄六局印二十八年重定品秩永樂以後職移  
宦官惟存尚寶數司而已

張山來曰此等女官不知以何等閏秀為之

